

circumferentia parvorum circulorum a polis suis grad. iiii. minutis primis xxiii. fere. Initia etiam cancri & capricorni nonae sphaerae periferias suorum parvorum circulorum, velut dixi, equalliter circumgyrant sicut initium cancri nonae sphaerae dum consistit in comuni sectione parvi sui circuli eclipticae decime sphaerae occidentali, principium capricorni eiusdem nonae sphaerae in sectione sui circuli parvi eiusdemque eclipticae decime sphaerae pariter constituetur occidentali. Inde ipsis recedentibus caput cancri nonae sphaerae movetur per medietatem sui parvi circuli superiorem iuxta signiferi successionem, caput autem capricorni eiusdem sphaerae per inferiorem sui parvi medietatem circuli movebitur iuxta eiusdem signiferi ordinem, donec utriusque signi huius initium seu caput can. & ca. perveniat ad sectionem sui parvi circuli eclipticae decimae sphaerae orientalem. Inde caput quidem cancri per medietatem sui parvi circuli inferiorem, & initium capricorni per medietatem sui parvi circuli inferiorem, & initium capricorni per medietatem sui parvi circuli superiorem, contraque signorum ordinem movebitur quo usque utriusque huius signi principium redierit ad sui parvi circuli eclipticae decimae sphaerae reliquam sectionem. Atque posthanc circuitio huius prior dispositio reuertetur. Huius denique trepidationis nonae sphaerae super dictis parvis circulis unam integram perficit revolutionem hromanis annis 3058. diebus xv. horis ii. minutis primis xxxviii. secundis lvii. fere. Insuper quando principia cancri & capricorni nonae sphaerae constituerint super sectionibus suorum parvorum circulorum eclipticae decimae sphaerae, tres eclipticae videlicet octavae, nonae & decimae sphaerae in eodem constituentur plano, earumque poli sub eisdem firmamenti punctis constituentur, earum denique unus communisque erit axis. At eisdem cancri capricornique principiis inde abeuntibus, poli quoque eclipticae nonae sphaerae continue recedunt a polis eclipticae sphaerae decime donec capita seu principia cancri capricornique nonae sphaerae constiterint super contactibus suae eclipticae suorumque parvorum circulorum, Et tunc ecliptica nonae sphaerae maxime declinat ab ecliptica de-